

主治 補肝膽明目治骨蒸勞熱三消五心煩熱

婦人胎蒸虛驚冷熱洩痢五痔厚腸胃益顏色

浸人乳汁點目甚良蘇恭治久痢成瘕小兒驚癇

寒熱不下食霍亂下痢傷寒欬嗽溫瘧理腰腎

去陰汗開寶去果子積震亨

黃芩

根氣味苦平無毒時珍得酒上行得豬膽汁除

肝膽火得柴胡退寒熱得芍藥治下痢得桑白

皮瀉肺火得白朮安胎

發明

曰泉

黃芩之中枯而飄者瀉肺火利氣消痰

除風熱清肌表之熱細實而堅者瀉大腸火養

陰退陽補膀胱寒水滋其化源高下之分與枳

實枳殼同例

曰元素

黃芩之用有九瀉肺熱一也

上焦皮膚風熱風濕二也去諸熱三也利胸中

氣四也消痰膈五也除脾經濕六也夏月須用

七也婦人產後養陰退陽八也安胎九也酒炒

上行主上部積血非此不能除下痢膿血腹痛

後重身熱久不能止者與芍藥甘草同用之尤

諸瘡痛不可忍者宜芩連苦寒之藥詳上下分
身稍及引經之藥用之震亨黃芩降痰假其降火
也凡去上焦濕熱須以酒洗過用片芩瀉肺火
須用桑白皮佐之若肺虛者多用則傷肺必先
以天門冬保定肺氣而後用之黃芩白朮乃安
胎聖藥俗以黃芩爲寒而不敢用蓋不知胎孕
宜清熱涼血血不妄行乃能養胎黃芩乃上中
二焦藥能降火下行白朮能補脾也羅天益曰肺主
氣熱傷氣故身體麻木又五臭入肺爲腥故黃

芩之苦寒能瀉火補氣而利肺胎喉中腥臭

日須

張仲景治傷寒心下痞滿瀉心湯凡四方皆用黃芩以其主諸熱利小腸故也又太陽病下之利不止喘而汗出者有葛根黃芩黃連湯及至胎娠安胎散亦多用之

時珍

紫古張氏言黃芩

瀉肺火治脾濕東垣李氏言片芩治肺火條芩

治大腸火丹溪言黃芩治上中二焦火而張仲

景治少陽瘧小柴胡湯太陽少陽合病下痢黃

芩湯少陽瘧下後心下滿而不痛瀉心湯並用

之成無已言黃芩苦而入心泄痞熱是黃芩能
入手少陰陽明手足太陰少陽六經矣蓋黃芩
氣寒味苦色黃帶綠苦入心寒勝熱瀉心火治
脾之濕熱一則金不受刑一則胃火不流入厥
卽所以救肺也肺虛不宜者苦寒傷脾胃損其
母也少陽之瘥寒熱胸脇痞滿默默不欲飲食
心煩嘔或渴或否或小便不利雖曰病在半表
半裏而胸脇否滿實兼心肺上焦之邪心煩喜
嘔默默不欲飲食又兼脾胃中焦之證故用黃

芩以治手足少陽相火黃芩亦少陽本經藥也
成無已註傷寒論但云柴胡黃芩之苦以發傳
邪之熱芍藥黃芩之苦以堅斂腸胃之氣殊昧
其治火之妙楊士瀛直指方云柴胡退熱不及
黃芩蓋亦不知柴胡之退熱乃苦以發之散火
之標也黃芩之退熱乃寒能勝熱折火之本也
昔有人素多酒慾病少腹絞痛不可忍小便如
淋諸藥不效獨用黃芩木通甘草三味煎服遂
止王海藏言有人陰虛服附子藥多病少便閼

服苓連藥而愈此皆熱厥之痛也學者其可拘
乎予年二十時因感冒欬嗽既久且犯戒遂病
骨蒸發熱膚如火燎每日吐痰盈許暑月煩渴
寢食幾廢六脉浮洪遍服柴胡麥門冬荆瀝諸
藥月餘益劇皆以爲必死矣先君偶思李東垣
治肺熱如火撻煩躁引飲而晝盛者氣分熱也
宜一味黃芩湯以瀉肺經氣分之火遂按方用
井芩一兩水一鍾煎一鍾頓服次日身熱盡退
而痰嗽皆愈藥中肯綮如鼓應桴醫中之妙有

如此哉。

秦艽

氣味苦平無毒。

發明

時珍曰

秦艽手足陽明經藥也。兼入肝膽，故

手足不遂、黃疸、煩渴之病，須之。取其去陽明之

濕熱也。陽明有濕，則身體酸疼、煩熱。有熱則日

晡潮、熱骨蒸。所以聖惠方治急勞、煩熱、身體酸

疼，用秦艽、柴胡一兩，甘草五錢，爲末，每服三錢。

白湯調下。治小兒骨蒸潮熱、減食瘦弱，用秦艽

甘草炙各一兩每用一二錢水煎服之錢氏加薄荷葉五錢

芘胡

柴胡以銀州者爲良卽今延安府也而關陝江湖近道皆有之以長而軟有赤毛獨科如鼠尾者佳

氣味苦平無毒

時珍曰

行手足少陽以黃芩爲佐

行手足厥陰以黃連爲佐

發明

果曰

能引清氣而行陽道傷寒外有諸熱則

加之無熱不用又能引衛氣上行升騰而行春
令者宜加之又凡諸瘧以柴胡爲君隨所發時
所在經分佐以引經之藥十二經瘧疽中須用
柴胡以散諸經血結氣聚功與連翹同也時珍曰
勞有五勞病在五臟若勞在肝膽心及包絡有
熱或少陽經寒熱者則柴胡乃手足厥陰少陽
必用之藥勞在脾胃有熱或陽氣下陷則柴胡
乃引清氣退熱必用之藥惟勞在肺腎者不可
然東垣李氏言諸有熱者宜加之無熱則不

加又言諸經之瘡皆以柴胡爲君十二經瘡
須用柴胡以散結聚則是肺瘡腎瘡十二經之
瘡有熱者皆可用之矣但要用者精思病原加
減佐使可也冠氏不分臟腑經絡有熱無熱乃
謂柴胡不治勞乏一槩擯斥殊非通論如和劑
局方治上下諸血龍腦鷄蘇丸用銀柴胡浸汁
熬膏之法則世人知此意者鮮矣張三錫曰柴胡少
陽厥陰肝膽二經藥故傷寒邪在半表半裏者
用之補中益氣用之者不過升達參芪之氣爾

今人不知悞爲清熱之品不分虛實一槩亂投
害人殊甚又昧者以粗大者爲大柴胡細者名
小柴胡虛白似沙參者名銀柴胡不知柴胡以
銀夏者爲良而仲景大小柴胡乃湯名也

前胡

其根皮黑肉白有香氣者爲真

氣

味微寒無毒

發明

時珍

前胡味甘辛氣微平陽中之陰降也乃

手足太陰陽明之藥與柴胡純陰上升入少陽

厥陰者不同也其功長于下氣故能治痰熱嘔
嗽痞膈嘔逆諸疾氣下則火降痰亦降矣所以
有推陳致新之績爲痰氣要藥陶弘景言其與
柴胡同功非矣治證雖同而所主則異矣
防風
氣味甘溫無毒

發明

元素

防風治風通用身半已上風邪用身

身半已下風邪用稍治風去濕之僊藥也風能
勝濕故爾能瀉肺實誤服瀉人上焦元氣

果防

風治一身盡痛，乃卒伍卑賤之職，隨所引而至。乃風藥中潤劑也，若補脾胃非此引用不能行。凡脊痛項強不可回顧，腰似折，項似拔者，乃手足太陽證，正當用防風。凡瘡在胸膈已上，雖無手足太陽瘡，亦當用之，爲能散結去上部風病。人身體拘倦者，風也，諸瘡見此瘡亦須用之。錢仲陽瀉黃散中，倍用防風者，乃於土中瀉木也。

獨活

釋名

時珍曰

獨活以羌中來者爲良，故有羌活胡

王使者諸名乃一物二種也正如川芎、撫芎、白朮、蒼朮之義入用微有不同後人以爲二物非矣

氣味苦甘平無毒

發明

恭曰

療風宜用獨活兼水宜用羌活劉完素

云獨活不搖風而治風浮萍不沉水而利水因

其所勝而爲制也

張元素曰

風能勝濕故羌活能治

水濕獨活與細辛同用治少陰頭痛頭運日眩

非此不能除羌活與川芎同用治太陽少陰頭

痛透關利節治督脉爲病脊強而厥

曰好古

羌活

乃足太陽厥陰少陰藥與獨活不分二種後人

因羌活氣雄獨活氣細故雄者治足太陽風濕

相搏頭痛肢節痛一身盡痛者非此不能除乃

却亂反正之主君藥也細者治足少陰伏風頭

痛兩足濕痺不能動止者非此不能治

曰時珍

羌

活獨活皆能逐風勝濕透關利節但氣有剛劣

不同爾素問云從下上者引而去之二味苦辛

而溫味之薄者陰中之陽故能引氣上升通達

周身而散風勝濕按之系曰唐劉師貞之兄病
風夢神人曰但取胡王使者浸酒服便愈師貞
訪問皆不曉復夢其母曰胡王使者卽羌活也
求而用之兄疾遂愈嘉謨曰羌活本手足太陽表
裏引經之藥又入足少陰厥陰名列君部之中
非比懦柔之主小無不入大無不通故能散肌
表之風邪利周身骨節之痛

升麻

根修治

時珍曰

今人惟取裏白外黑而緊實者謂